

# FESOASOANI MO LE SOIFUA A'OA'OINA (TUTOR LEARNING INITIATIVE) FA'AMATALAGA MO MĀTUA, TAUSI FĀNAU MA 'ĀIGA.

O nei fa'amatalaga e mo le silafia o mātua, tausi fānau ma i latou o lo'o va'ava'aia fānau, e uiga i le Fesoasoani mo le Soifua A'oa'oina (Tutor Learning Initiative) o fanau i le tausaga 2021.

O le tausaga 2020, o se tausaga tulaga 'ese ma tele ona lu'i tau mo a'oga uma i totonu o alalafaga.

E anoanoa'i tamaiti a'oga sa fa'aalu le tele o latou taimi i le Kuata 2 ma le 3 i lenei tausaga, e a'oa'oga ai i fafo atu o falea'oga, ma o a'oga uma ma alalafaga sa matuā maoa'e a latou galuega fesoasoani mo fānau ina ia fa'aaau lo latou soifua a'oa'oina i lenei vaitaimi 'atoa.

O le Kuata 4, sa una'ia malosi ai a'oga i totonu o Vitolia e fesoasoani ma lagolago sua i tamaiti a'oga aemaise o latou soifua fa'alemafaufau ma lo latou soifua manuia lautele, fa'atasi ai ma le fesoasoani malosi i tamaiti a'oga, e toe fa'amasani i le soifua a'oa'oina i totonu o falea'oga.

E le o po se lilo, e 'ese'ese silafia ma le poto masani o tamaiti a'oga i le tulaga o le 'ao'aoina i fafo atu o falea'oga. O nisi o tamaiti a'oga sa fa'amanuiaina a latou taumafaiga, ae o nisi o tamaiti a'oga, atonu e le'i mafai ona 'ato'atoa lo latou a'oa'oina ona o lea tulaga. O le tele o tamaiti a'oga, o le a aogā ma manuia lo latou soifua a'oa'oina pe a maua so'o a'oa'oga lelei i le 2021, ma o le a lava avanoa e tapena ai o latou taumafai, ina ia 'ausia le tulaga e tatau ona i ai lo latou a'oa'oina. O nisi fo'i tamaiti a'oga o le a aogā i ai nisi a'oa'oga fa'aopopo e sili atu ona loloto, e lagolago sua mo latou i le 2021.

E le tau mate ua outou silafia, mo le fa'atinoina o lenei fuafuaga, ua tu'uina mai e le Faigā Mālō a Vitolia se vaega tupe e \$250 miliona mo le polokalame lenei o le Fesoasoani mo le Soifua A'oa'oina (Tutor Learning Initiative) o fanau, ina ia mafai e a'oga uma i totonu o Vitolia ona fa'afaigaluega ni faia'oga pe tusa ma le 4,100 i le 2021, e lagolago sua i tamaiti a'oga e mana'omia le fesoasoani fa'aopopo mo a latou a'oa'oga. O le a tu'u i le faitalia o a'oga ta'itasi pe fa'aapefea ona fa'atino lenei fesoasoani mo a latou tamaiti a'oga, ma ia mata'itūina le lelei fa'afae o lenei polokalame, ina ia maua se fesoasoani mo tamaiti, e aunoa ma le fa'alavelave tele i isi polokalame a le a'oga ma le soifua a'oa'oina o tamaiti.

O le fa'afaigaluega ai o ni faia'oga fa'aopopo, o le a maua ai se fesoasoani mo tamaiti a'oga uma i le tausaga 2021. O le a mafai ai ona fa'atino a'oa'oga loloto mo tamaiti a'oga, ma o le a maua ai e faia'oga o vasega ta'itasi avanoa lelei, e iloilo ai ma fa'amautinoa le lelei tapena o isi tamaiti a'oga, i tulaga e tatau ona latou 'ausia, ma ia solosolo lelei fo'i lo latou lava atina'e ma o latou soifua manuia.

O le a tu'uina atu nisi fa'amatalaga e uiga i le Fesoasoani mo le Soifua A'oa'oina, (Tutor Learning Initiative), ma lo latou fa'atinoina mo tamaiti a'oga o lo'o mana'omia le fesoasoani i a'oga, a'o le'i 'amataina a'oa'oga i le tausaga e 2021.

O le a galulue a'oga ma tamaiti a'oga i le Kuata 4, ina ia malamalama tamaiti i lo latou silafia ma le poto masani i le tulaga tau a'oa'oga i fafo atu o falea'oga, fa'atasi ai ma lo latou toe fo'i atu i a'oa'oga i totonu o falea'oga.

Afai o i ai ni ou popolega mo lou alo e tusa ai ma lona atina'e fa'alea'oa'oga, a'o feagai ai ma a'oa'oga i le 'aiga po'o le toe fo'i atu i a'oa'oga i totonu o falea'oga, fa'amolemole fa'afeso'ota'i le a'oga a lou alo.